

寶應縣志卷之十四 人物

潘煜如 王善繼附

潘煜如字含仲崇禎壬午舉人授潛山教諭寶應自喬御史後二十二年無登科目者至是煜如及張璠王善繼同舉於鄉煜如嗜學制義為海內傳誦自潛山歸年七十餘終日手一編不聞戶外事善繼字克孝任青浦教諭早卒子康舉康熙壬子鄉試第五亦早卒鄉人惜之

王有光

寶應縣志

卷之十四

一

王有光字賓我萬曆四十七年歲貢授寧陽訓導轉臨城教諭再轉蘇州教授光少工舉子業任臨城時直隸提學御史甯光先試其文為六十五學之最歸田後留意著述手一編耄而益勤年九十二乃卒時邑人郎繼恩以歲貢官鳳陽府教授文行與有光同子天廡邑諸生為人才而賢與喬御史善

王言綸

王言綸字玉音順治二年恩貢選太湖訓導言綸

丰度端凝工詞翰弟言綽亦嗜讀書鄉人稱二王  
先生喬御史可聘隱居結真率之會言綸與焉年  
八十餘最長其王泰和有容蔡廣文尚廉朱處士  
爾弼朱中翰爾遠楊處士士媿胥歲貢文儒劉處  
士心學年各七八十鬚眉衣冠甚古

### 喬英

喬英字子毅可聘次子也康熙九年歲貢初提學  
御史陳昌言者可聘門下士也謁可聘不見欲見  
英英亦不見推官陳某欲因英通昌言充同考官  
寶應縣志  
卷之十四  
二  
英堅却之雖工舉子業而養父之志終身隱退治  
吾園栢溪竹石亭館最美與人交恬讓鄉里皆號  
爲長者

### 范畬

范畬字耘夫爲人孝友兄弟分爨時讓產不受後  
兄弟中有貧者更出貲贍之以故族人皆被其教  
醇謹無大過子韶貴封戶部員外卒年八十八有  
趙綱者字公銳治家有風規子弟皆醇謹鄉人訓  
子弟者輒曰汝勿媿趙氏子弟

張禮

張禮字東湖邑諸生也爲人醇厚事繼母丁氏以孝聞歲試需次食廩餼以友人疾卒弗忍代也嘗以女許字某某貧甚請易盟禮治奩具以女歸之更爲治生業禮多善行此二事尤傳誦生子三長易次習次旦習旦皆成進士封中書舍人贈戶部郎中

劉繼善

劉繼善字元卿永澄父也以學行見重於邑令耿寶應縣志

卷之十四

三

隨龍隨龍知繼善貧甚田荒蕪不治屬所善致白金以兩計者十爲畚鍤具繼善辭無以報隨龍笑曰吾索報於君之兒也永澄旣成進士繼善始以歲貢授鎮江府訓導邑令陳燧屬吳敏道修縣志繼善及范之默與焉之默字蘭室敏道婿也工大書有詩集行世

朱爾遠

朱爾遠字叔識邑諸生也以子克簡貴封徵仕郎中書科金人庶吉士朱士冲者假過寶應疾殆爾

遠視之見其子然一舟因爲治棺及舍殮具士冲  
枕上叩首而卒縣丞邵輔禎蒞任九日卒爾遠殮  
之且捐貲俾扶櫬歸時漕督都御史蔡公士英檄  
郡縣修學邑儒學傾圮爾遠仝生員胡克濟等督  
工修葺殿宇廊廡皆改觀爾遠性坦易雖被馳封  
恒徒步市井間遇貧賤交無貴倨容人以此益敬  
之

王允錫

王允錫字君懷邑諸生也與兄分爨時自擇瘠田

寶應縣志

卷之十四

四

讓腴者與兄鄉人栢某者罹冤獄爲白於令且代  
償贖鍰又焚朱某券返其田又撫李唐二姓孤有  
恩子二長彬次樛朱檢討彝尊嘗詢喬侍讀萊劉  
司務中柱曰寶應有王修木否萊等曰有之彝尊  
曰余昔館山東巡撫劉公署中有仙降乩曰適從  
寶應王修木家來過鰲陽山看雪有詩正之諸子  
彝尊因問王修木者何人也仙曰善士也事甚異  
因誌於此彬字子野丙戌舉人仕德興知縣樛字  
修木邑諸生也

成於樂

成於樂字韶音邑諸生也爲人謹厚以耕讀傳家  
教子有方康傳康保皆工舉子業于子康保舉鄉  
試第二已未成進士官內閣中書舍人封於樂如  
其官孫準年未二十工舉子業試輒第一

劉士壯

劉士壯字穉公康熙二十四年歲貢以子國黻貴  
封翰林院庶吉士士壯少工舉子業喬御史見其  
文以女妻之兄士泰士升士晉弟士鼎皆工舉子

寶應縣志

卷之十四

五

業士升拔貢生早卒士泰等不遇相繼卒撫士升  
士晉子甚有恩立士泰士鼎後遭水患家貧殯殮  
皆成禮因久不遇改治春秋研討三傳日誦數千  
言與葉茂才蘭友善相講習問學蘭子偉士壯子  
國黻並工舉子業孫令蕙試童子偉第一國黻次  
之明年再試國黻第一偉次之然皆不得入黷序  
丁巳國黻以後秀舉於鄉壬戌成進士改庶吉士  
授戶科給事中士壯遺書誠曰汝本寒微被恩  
遇建白宜裨社稷蒼生毋端以彈射樹風采也迨

將刑科掌印士壯復遺書誠白垣中職司封駁  
垣尤民命所關三覆奏乃慎重民命毋視爲故事  
也士壯雖膺綸誥不乘輿不張蓋敝廬數椽衣敝  
衣甘粗糲之食不殊寒士僕有鮮衣者怒曰女衣  
此勢且忤宗戚鄉里累老夫登門謝過矣丁卯國  
辰亦舉於鄉士壯誠之曰寒門得此過望修德行  
善尙難消受汝慎之明年病甚會國徽典粵西試  
事乘傳歸里侍湯藥五旬乃卒蘭字九畹先卒都  
御史田公雯提學江南時拔偉第一

寶應縣志

卷之十四

六

劉宗武

劉宗武魏太武軍至安宜縣宗武母爲亂軍所害  
宗武遂蔬食不嘗五味人號其所居村爲孝義鄉

蔣伍

蔣伍軍師村人宋嘉定九年母孫氏目盲伍自剗  
左目和粥以進母目頓明詔表所居之巷曰昭孝  
坊

王鳳

王鳳字朝陽少孤事母鄭氏至孝母病頭懸漚

不可近朝夕侍奉湯藥久而益勤母弗起鳳時年  
十七哀毀骨立既葬廬其墓一夕雷雨作母弟鄭  
亦往視之鳳號泣墓上聲不絕嘗有羣盜夜入其  
廬見鳳容色憂戚嘆曰此孝子也奈何驚動之以  
所盜他物遺之墓上自生松數株慈竹數竿日就  
叢茂又有白兔馴擾其中人以為孝感後仕山東  
平度州同知有冰蘖操嘗輸租銀于京羨餘千兩  
貯之公帑署考時有昔聞孝行今著廉聲之語

孫著

寶應縣志

卷之十四

七

孫著性醇謹事親能順適其意父鸞嗜飲著遍言  
於所常飲酒家父來第恣其飲不取酒讎積數日  
則著增其讎與之或先置錢於酒家令酒家胡邀  
其父嘗病中滿醫云須百蝦蟆納豬肚中食之可  
愈時冬月覓之野中遂得百蝦蟆里人大異之以  
為孝感著曰傷百蝦蟆生以生吾父吾不忍也乃  
盡放之而自以股肉納豚肚中父食之尋愈縣令  
李瓚立棹楔旌其門

張纏

字南橋素行醇樸居鄉恂謹恪以禮法自守  
世隱澁上年八十有三從不知公門所向以畊田  
食其力以讀書立廉隅教其子蓋行過於文者心  
鄉里重之萬曆三十四年會奉 恩詔旌耆碩有  
司上其善行於直指榮以冠帶給表額曰聖世逸  
民可謂有道之碑無愧詞矣

張京

張京纏子也字子承善良之氣薰沐於庭訓者既  
深而孝行尤篤宗族鄉黨咸稱之有司旣表其父

寶應縣志

卷之十四

八

兼舉其子以善孝上聞嘉其克遵父教也京父母  
俱享大年其承顏順旨依依膝下者數十年如一  
日父病刲股以救每日醫求必跪拜致敬湯藥不  
能進度以口久而不懈父卒擗踊哀毀圖父影懸  
於壁朝夕問視如生禮奉母與事父同母食斯食  
母寢斯寢溫席扇枕古人不啻若焉父母旣葬廬  
於墓每逢誕忌必齋戒不食終其身無間此尤人  
所難也上官賜粟帛加冠帶旌其門曰善孝傳芳

張仁



仁自幼艱食未嘗離父母左右既長不娶曰恐  
間吾父母也父母既終復不娶曰無親可養何娶  
爲蓋終其身不娶亦以兄有子能不絕親後云同  
時楊科蒯源胡悌並以孝推巡按御史皆給粟帛  
旌其門

范峒

范峒字邦鎮正德十四年歲貢仕桐鄉餘干教諭  
爲人嗜學砥行鄉後進多出其門居母趙氏喪廬  
於墓年百歲乃卒

寶應縣志

卷之十四

九

吉琳

吉琳字孔璋正德十六年歲貢父進雙瞽琳每夜  
焚香禱北辰一日遇方士投之藥目忽明尋失方  
士所在聞者以爲孝感云

栢叢桂

栢叢桂洪武時人建言請築塘岍起槐樓達界首  
四十里以備水患有司寢不行叢桂更相度地形  
畫圖上疏陳利害甚悉詔發淮揚丁夫五萬六千  
俾叢桂董其役期月工成鄉人呼爲栢家堰

花榮

花榮三阿鄉人有膽畧善騎射有袁九四者聚盜數百剽掠鄉邑榮結射陽人郝信甫募壯士掩捕發弩中九四胸擒之餘黨悉平以功授安豐鎮巡檢遷諸城稅課局大使信甫授時安鎮巡檢又以功陞合肥主簿

丁効恭

丁効恭膂力過人嘉靖時倭寇入犯縣無城各逃匿村落効恭憤曰縣無一男兒耶結少年數十人持長戟利刃迎擊南郭外手刃數人倭增兵戰之遂爲所害兄効寬邑諸生也哭弟甚哀悒鬱以卒

陳綱

陳綱正統時人喜施與五年江淮大饑人相食天子遣戶部主事何來學賑濟募民出粟一千石者復其家綱出粟至一千五百石活人甚衆嘉靖時有陳言者亦喜施與十七年大疫施棺至千餘二十八年饑出粟一千石詔如陳綱例復其家父富子坤皆喜施與每值歲饑輒出粟數百石賑之邑

修儒學時言助白金以兩計者六百孫應奎又施地開學前街通迎秀門蓋累世尚義云又有楊臯者亦喜施與數出粟賑饑凡邑有義舉必藉臯以成如建忠佑橋疏康濟河皆臯力也孫啟芳舉於鄉仕至漢中府同知

### 喬巖

喬巖字維石邑諸生也父夢斗喜施與崇禎四年十三年邑遭水旱賴夢斗賑卹多全活巖繼父之志益喜施與順治十一年大饑斗米直白金三錢餘巖出粟爲糜食飢者日千餘人歷冬春不倦嘗邑人喬御史亦出粟賑救而巖所出粟最多存活者不可數計漕督都御史蔡士英奏聞帝嘉焉詔旌喬御史及巖巖又嘗置義田義塚宗族鄉黨稱頌之不衰

### 喬蔭

喬蔭字廣生太學生也爲人仁讓曉大義尤好施與宗族戚黨多待以舉火下及工商傭傭婢獲之屬遇之甚有恩感頌之聲遍里巷間世父可聘貴

終身不肯一事相憑藉以故為干一縷秀者習詩  
書朴者勤稼穡無充胥役喜爭訟者可聘隱退丘  
園交游盡絕為邑令所構幾不測蔭欲出所藏白  
金以兩計者三千七百解其事可聘不可會南河  
工部郎中王維城白於都御史蔡士英責令非是  
雖不須白金而蔭急世父之難輕財如此人益多  
之宗人大桂者售其弟細桂田蔭曰如此則細桂  
無田矣何以生因出白金償大桂贖田視所獲如  
其直田仍歸細桂有郁存雅者舅之子也以窰為  
業逋城磚直被笞幾殆蔭出白金代輸存雅得不  
死且為置產養贍終其身與王貞涵友善貞涵貧  
子廢學蔭出束修教之其為善於鄉多此類晚年  
益曠達不汲汲生產結世外之友以其晨夕一日  
與友對奕局終遂卒人以為積善之報云

### 鄒之璜

鄒之璜字爾佩順治五年恩貢康熙二年授花平  
知縣八年擢給事中需次京師會編修陳志紀上  
疏論諸督撫貪婪不法火引第宅園林歌舞之盛

上初是其言俾指名是時諸督撫之歸京師者懼  
甚各營救周有德巡撫山東時戶部郎中陳凝祉  
持志紀書刺往謁有德遇之薄凝祉者志紀父也  
至是懼志紀怨已屬給事中李宗孔御史季振宜  
及之璜居間解其事志紀奏對時已及有德名不  
可解撫列郎廷佐張朝璘許世昌暨有德名以奏  
詔廷臣鞠治有德遂發志紀書刺志紀亦陳有德  
屬宗孔等營救狀宗孔振宜皆不承獨之璜不背

寶應縣志

卷之十四

三

志紀對曰有之時廷臣怒志紀甚並怒之璜卽馳  
奏有德語謂諸臣貪婪無據難坐而第宅園林歌  
舞之盛例不應有罪志紀坐誣罔流寧古塔因請  
上親鞠許焉是爲九年五月四日也明日  
上御左翼門九卿畢集鎖志紀等入朝士無不股  
慄志紀懼甚語錯亂有德等奏辨如廷臣語志紀  
不能置詞先是春三月久旱

上禱雨宮中不如輦者數十日振宜宴集世昌別  
業觀劇別業隣之璜邸舍以故志紀心識之至是

然振宜之不助已也奏其事未及指振宜名振宜  
歷階而上自言曾觀劇世昌家詢月日非齋戒時  
不問志紀益錯亂多蔓引賴

上仁明皆不問之璜懼與志紀俱流也更奏官在  
平時有德歲勒取驛遞銀若干兩有德辨語滿語  
上曰汝滿語鄒之璜不能折汝矣因下法司按驗  
年餘奏有德無是事之璜削籍

上曰有德有是事遂亦坐削籍初侍讀學士熊賜  
履於輔臣時上疏陳時政被恩遇詞臣因多上疏

寶應縣志

卷之十四

十四

言事至是左都御史艾元徵上疏禁詞臣言事著  
爲令戶科給事中姚文然上疏停鎖禁朝臣例亦  
自此始志紀字雁羣泰州人己亥進士之璜與凝  
祉同貢交至溪志紀疏之璜實與聞因被其株累  
云

李藻先

李藻先字輔臣茂英子也爲人美鬚髯善談笑治  
山亭池館宴游之具甚盛與人飲一座盡歡尤喜  
交游禮部尙書龔鼎孳相善也丁酉舉於鄉會

場難起藻先與焉

皇帝怒甚誅戮流胤數十人其按驗得白者陸其賢沈旋及藻先三人而已鼎孳贈詩有名成多難後心白

■至尊前之句為海內傳誦

寶應縣志

卷之十四

五

其有

...

...

...

...

...

...

...

...

...

...

之不假借色笑啣廷璉茂英卒將邀祀典劉貢士  
永沁持不可率子姪攻之急廷璉議論合於劉氏  
茂賢不能平奮臂攻廷璉各募死士以鬪而茂賢  
所募死士中有被歐死者初邑令劉達善廷璉廷  
璉才氣橫發數窘辱達至是當廷璉殺人律對簿  
時語仍不遜達怒甚推案而起遂有意殺之矣廷  
璉繫六年數賦詩言懷語酸楚聞者哀之時方域  
在北不及營救承宗元勲襄數數言於諸大吏廷  
樞鍾應箕貞慧各以書致推官湯來賀而達已擢  
寶應縣志

卷之十四

六

御史閣部史可法主其獄終不可脫 王師下江  
南出獄攜一妓走廣東相傳登仕籍矣有仇之者  
遂遇害明義雖喜結納爲人醇謹南渡時授知縣  
銜後隱居汜水讀書種樹以壽終焉

萬里侯

萬里侯字干城少工舉子業小試不利鄉人未之  
奇也家貧授徒柘溪喬獻廷家獻廷者喬侍御族  
姪也一日侍御過其齋觀案上時文具之詢知里  
侯所作期其必售是年歲試第一明年科試復不



利提學御史試遺才於江陰里侯貧甚不能往支  
束修銀獻廷不欲里侯往堅不與里侯窘急入城  
將他圖之徒步槐樓堤上有李鐵背者鹽城人善  
相從舟中望見里侯登岸與語因曰某善相相人  
多矣十不失一子今科貴人也何迨迨道路爲里  
侯告以故李出篋中白金三兩贈之是科果舉於  
鄉順治辛卯也戊戌成進士選江山知縣陞大同  
同知罷歸卒子佺仕廣濟知縣李相寶邑登進士  
者三里侯及喬萊張廣里侯萊果驗廣竟不過以

